



## Sujet: Heil dir mi-(gros) Kaffiraamdeggeli

En ächte Schwyzer bisch...:

- Wenn de uff Granium und Alperoose stoosch, an jedes Schwing- und Äplerfeschtli goosch.
- Wenn s Fondue en ussgwoogen Ässe isch, wenn Mitgליid imene Jodlerchörli bisch.
- Wenn s Schwyzerkryzli hett uff diner Unterwesch und du e Dienschtbiechli samt Sturmngweehr hesch.
- Wenn d Wort Legislatur und Konkordanz verstoosch, fluechend zue den Abstimmige und Wahle goosch.
- Wenn wägem Weschkuchischlissel am strypte bisch und s Hochdytsch fir di e Fremdsprooch isch.
- Wenn schwyysgch bim Thema Guet und Gäld und mainsch, Ziri sig dr Naabel vo dr Wält. (Do aber merggt me gly, däwääg kasch kai Basler sy).
- Bim Wältuntergang bhaltisch du säällig d Rueh, d Schwyz hett bekanntlig dodermiit nit z due.

## Als ächte Schwyzer duet me di aber erscht erkenne, wenn den e Deggelisammlig duesch die Aige nenne.

Vo dr Innerschwyz bis zue de Rammle, duet alles flissig Rahmdeggeli sammle.

Was kame doch alles fir Sujet finde?  
Bluememotiv vo vorne und vo hinde...  
Vyyl Dierli und Auti mit schnälle Motore,  
und ney au Bildli vo alte Diktatore.

Dangg dr Migros, was isch au gscheh?  
Gits mitem Schneizli Delfi e Wiederseh.  
Au dr Musolini griesst di bim Kaffi dringge,  
vo wytem duet no dr Stahlin wingge.  
Au dr Spanier Franco gseht me uff de Deggeli  
Also, all die altbekannte S... so und so

Bi дәre Kaffiraamdeggelikultur,  
wird dr Raam im Kaffi suur.  
Und d Migros hett sich iber Nacht,  
dәwääg e tolle Name gmacht..

Liebi Migros, mir hätte fir eich nonen Idee,  
denn vo дәne lätze Kaibe hätts nomeh.  
Wie wärs mit em Kim Jong, дә mit dr tolle Friise,  
oder dr Putin mit dr russische Währigskriise?  
Dr Keenig Msawti - dr Herrscher vo Swasiland,  
dr Lukaschenko, Despot vo Wyssrusland.  
Dr al Assad vo Syrie und vo Ruanda dr Kagame,  
gheert dr Keenig vo Herrlibärg ächt au no do aane?

Das wäre doch Gopferdeggeli  
gueti Sujet fir die neye Deggeli.  
D Nochfroog isch gross, mir hänn do vernoh,  
dass me fir dr Delfi dreihundert Stutz duet biko.  
Uns wundereds nit und mir kemme zum Änd,  
Raamdeggeli sammle isch aifach dekadänt.

Drum lehn mir das Thema jetzt lo sy  
und dauche in Fasnachtsummel y.  
Adie Zämme

Au die wo kai Kaffiraamdeggeli sammle,  
gehn an d Ladärne-Usstellig bim Minschter  
und zue de Wäägeler in d Kasärne.  
S gääb an baide Ort Kaffi mit Kaffiraam.

Dää Zeedel het is wie allewyyle d Druggerei Bürgin in Birsfælde druggt.  
Häärzlige Dangg.